


DI MÅÅRINGER KRÄDJER

Dåt blees foon di
Frasche Feriin for e Ååstermååre

Risem-Lonham, 36. Iirgung
Krädjer Nr. 69/2024



Andersen Hüs

Ferleeder:

Frasche Feriin for e Ååstermååre

Klookris 64

25920 Risem-Lonham

Tel.: 04661 2291

www.andersen-hues.de

#andersen-hues 

Ferläch: Andersen Hüs 500 stuk

Redaktschoon:

Sönke Namanny

Printer:

Papierkiste Jappsen

Senfmühlenweg 3

25920 Risum-Lindholm

www.papierkiste-jappsen.de

Setting:

Sönke Namanny

Koräcker:

Dr. Alastair Walker

Bürotide:

Moundi än Taisdi

Törsdi än Fraidi

foon e klock 9.00 - 11.00

Saandi as dåt Andersen-Hüs ääm

foon e klock huulve 3.00 - 5.00 eeftermadi

ma kafe an kääge än fääringe döör't hüs!

Dieses Projekt wurde gefördert durch die Stiftung
für die Friesische Volksgruppe im
Lande Schleswig-Holstein (Friesenstiftung)

Gödj, bääder, beest

Dåt iin as jüst forbai, dan kamt dat näist!

Dåt säit följk duch sü.

Koroona wus jüst mör än maner gödj ouerstiinjen, dan köm di krich twasche Ruslönj än e Ukraine. Tuleest nü uk nuch di önj e Foordere Ååsten.

Nau nümen koone we luklik än tufreese weese, dat we heer önj Nordfräschlönj booge. Di krich as wid wach.

Ouers likewälj as åles maenouder ferbünen, wat tachter bai as iir. - Wat säit üs dat?

Nä, jaa, da manschne räise önj e hiil wråål ambai än koone ark süük heer haane bränge. Ma rakeete koone atombumbe aw üs schin wårde. Dat berouit ai jüst!

Ouers we schan üs mån ai däåsi mååge lätje.

Nü, wan we hoowe, dat we, üüs bjarne än bjarnsbjarne önj freese laawe koone, heer önj Nordfräschlönj, önj e tukamst.

Frasch sü frasch

Fri sü fri

Hü koon't bääder weese?

Trou sü trou

Iinjs sü iinjs

Luklik än tufreese.

Frasche Feriin for e Ååstermååre Risem-Lonham
Iirsfersoomling: 25.3.2024 önjt Andersen-Hüs

Sehr geehrte Mitglieder, liiwe lasmoote, werte Freunde
des Fräsche Feriin for e Ååstermååre, zu unserer
Mitgliederversammlung
am Donnerstag, den 28. März 2024
im Andersen-Hüs in Klockries
laden wir herzlich ein.

Tagesordnung:

1. Begrüßung durch den 1. Vorsitzenden
2. Genehmigung der Tagesordnung
3. Genehmigung des Protokolls vom 30.3.2023
4. Jahresbericht des Vorsitzenden
5. Bericht des Kassenwartes
6. Bericht der Kassenprüfer
7. Beitragsfestsetzung
8. Grußworte der Gäste
9. Bericht des Koordinationsausschusses
10. Berichte der Gruppen
11. Wahlen
12. Verschiedenes

Frasche Feriin for e Ååstermååre Risem-Lonham
Iirsfersoomling: 25.3.2024önjt Andersen-Hüs

Protokol:

Tu 1: Di 1. formoon Hauke Friedrichsen begröötet 110 geeste.

Tu 2: Jü däisfüli wårt sü tuleet.

Tu 3: Dåt protikol foon 2023 wårt sü tuleet.

Tu 4: Hauke Friedrichsen beruchtet: Stjör än bairädj wjarn 15 tooche tuhuupe. We häin 32 kooste önjt Andersen-Hüs, en Göljen Koost än iinjtooch sulme.

HGV, jääger än rängridere san bai üs tuhüs. Heer wårt knüfeld, da Frasche Loosche schunge, da teooterfloose ööwe än treese ap, Frasch Scheew än Frasche Wüste kaame tuhuupe än di Saandi jeeft et kafe än låge.

Foole tunk tu üüs sponsoore än tu üüs ouer 100 friwalie heelpere.

Di Frasche Een as önj e tukamst önj e Februar än üüs iirsfersoomling önj e Märts.

Foole tunk uk tu Frauken än Maren foråål jare arbe än tu Wolfgang än Catarina.

Jes Holm as nü di garant, daß et önjt Lonhamer schölj mat frisch widere foram gungt.

Tu 5: Di kaseberucht foon Peter Christiansen. Hi leest da ainkele posten for. Ut e fersoomling kaame niinj frååge. Da innoome wjarn 90.100 €, daütjeeft 122.300 €

Tu 6: Jan Friedrichsen deet san berucht ouert böke präiwen. Hi säit, dåt åles ulerbeest aw e ra wus än badet deeram, kasewart än stjør tu önjtlååsten, wat e fersoomling iinjstimi deet.

Tu 7: Dåt stjør sloit for, dåt di baidräch sü blaft. E fersoomling as iinjstimi deerfor.

Tu 8: Gröönise foon da geeste bränge Hans Bruhn foon e gemiinde, Heinrich Bahnsen foon e Grute Feriin än e Frasche Rädj, Ute foon e Friisk Foriining, Gerd Vahder üt Foortuft, Albert Panten üt Naibel än Jes Holm foont Lonhamer schölj.

Tu 9: Frauke Thiesen ferteelt as koordinationsforsater, dåt ja en gou "team" san, ma Annegret, Silke, Oke, Jess än Volkert. Bai 11 musiikeene än 13 teootereene wjarn 8000 manschne tu besäk. Tu uurs- än harfstmärket wjarn 3800 geeste kiimen. Gödj luked wjarn uk üüs samerfäst tu 300 iir Andersen-Hüs än 30 iir kultuursentrum än en fäst foon e hospiitsferiin.

Tu 10: Sainke beruchtet, dåt leest iir da Mååringer Krädjere Nr. 67 än 68 ütdänj wörden san. Dåt wus di 35. iirgung.

Julius Dohrn beruchtet tu e Frasch Scheew, dåt 15 moon iinjtooch önj e moune tuhuupe san.

Uk 10 frasche wüste drååwe jam iinjtooch önj e moune, ma foole häi.

Maren ferteelt, dåt åle 14 deege knüfeln as, än ham en tweeden floose fünen heet.

Ingrid beruchtet tu da Fräsche Loosche, dāt ja sunt 2015 ma 13 wüste arken Moundi schunge. Ja wjarn tu en konsärt önj Hoyer än häin jare jülkonsärt önjt Andersen-Hüs.

Hauke Petersen beruchtet tu Fräsch Klüüs. Ja san 6 tooche aptrin än häin deerbai 600 geeste. Hi betunket ham for dāt grut heelp bai da friwalie, wat deer tiinjst mååge.

Hauke Friedrichsen säit, De Plattdütschen san 14 tooche aptrin. Dāt wus jare 41 stuk önj 41 iir, än dāt's ma foole häi deerbai wjarn.

Tu 11: Woole:

2. formoon Volkert Petersen

1. kasefäärer Peter Christiansen

2. schrafftäärer Sönke Namanny

2. baisater Oke Ertzinger

Forsliik wiwool, niinj oudere üt e fersoomling, iinjstimi öjnümen.

1. kasepräiwer blaft Jan Friedrichsen, iinjstimi öjnümen.

Frauke Thiesen wårt as koordinationsütschusforsater iinjstimi öjnümen.

Tu 12: Deer kamt nint.

Sönke Namanny

Di jörder

Di 2.4.2024 broocht me Maren Laabs en schungeböök:

Friesisches Liederbuch für die Festlandharden,
Schung, Fölkens, Schung.

Ausgabe A

für den Schulgebrauch

Herausgegeben im Auftrage des
Nordfriesischen Vereins für Heimatkunde und
Heimatliebe mit Unterstützung der Preußischen
Regierung

Aw e jarst sid heet ham Peter Rickertsen indräägen
1928

Deeruner stoont di fornoome Rickert
Hi heet dät schungeböök wälj ouernümen.
Aw e forleest side heet hi en dacht indräägen.

Me hiirt di üt tut toorp tooch,
Me hiire åål da kee.
Dü prungst ma me felicht wälj nooch,
Ik prung ouers ai ma de.
Heer as min wråål, heer as min rik,
Ik ban di jörder foon e dik.

Ik stönj di mjarn ap ma e san,
Än tuut ik döör e stroot,
Sü kaame åål min kee heran,
Måast iinj üt ark kååt.
Da bäiste härke me uk glik,
Ik ban di jörder foon e dik

Ik lök heer büte däi for däi.
Bai hådern sanenschin,
Ik mååg ouers uk diseelwe wäi,
Bai stauerm än bai rin.
For'n flååg' ferkriip ik me ai glik,
Ik ban di jörder foon e dik.

Foole tunk tu Maren än Werner, dåt ja üs dåt bök
broocht hääwe. Sü wårt üüs archiif önjt Andersen-Hüs
stuk for stuk ferbäädert.

Heer nuch tou sunge üt dåt latj bök:
Mårketdoons än di samer as kiimen
foon taatje än saan Johannsen:

Mårketdoons

Wan ik tu mårket tii
Än deer min foomen sii,
Lååket min hart for häi
Di hiile däi.

Siike as moolk' än blödj
Flaie har wälj sü gödj,
Uug'ne sü gliinj än hal
Stönje ai stal!

Deerbai sü snüüs än sün
As rouse önj e tün
Än uk sü slånk än smeel,
Låpt's as en treel!

Kiik ik min foomen önj
Hääw ik har bai e hönj,
Doonse we önj'e swoi,
San we sü gloi!

Gruter luk jeeft et ai:
Wan we enouder frai`
Hääwe uk hüs än hör,
Wat wan we mör?

N. A. Johannsen, Senior

Di samer as kiimen

Di samer as kiimen,
Än dät bloosmet än grait;
Lätj üs spånke, lätj üs spånke,
Dan bål as´t ferwait!

Da sprleine da floite,
Än dät klångt wid än sid;
Lätj´s uk schunge, lätj üs schunge,
dan nuch as et tid!

Da schrubföögle spaale
ouer kröle än küülj;
Lätj´s uk doonse, lätj üs doonse,
Nuch san we ai üülj.

Di samer as kiimen,
Åles laawet än schungt;
Lätj fernäid üs nü weese,
Iir di samer fergungt!

Albrecht Johannsen, Junior

Naie moude

Wan ik man åten säid häi, dåt hi di bunk, wat san hün jüst mååged häi, arks tooch apsoomle schal, dan häi hi me fåli was frååged, weer ik's nuch åål häåw!

Nü san hüne önj da leeste iirnge rucht önj moude kiimen än maning häåwe uk nuch en tweeden än en treeden deertu fungen. En „trend“, as följik diling sü säit. Sü'n stååkels hün brükt duch en spaalkamerood, ai?

Maning hååle jam en hün, wat üt Spanien ooder Bulgarien kamt än betååle en bunke giilj deerfor. Dan kaame nuch da hünestjöre, di tiirdukteer än natörlük gourmetfouder deertu.- Et gungt da hüne goorai hiinj.

Dåt jeeft manschne aw e wråål, da gungt et hiinj.

We häåwe iir uk en hün hädj, ouers åltens ån tu tids.

Deerfor, dåt hi sü åliine wus, heet hi dåt ai ma e nårfen fungen, süfoole as ik nuch wiitj.

Nü heet me leest huum frååged, weerfor ik nån hün mör häåw, aw tjüsch. Ik häåw ham swåård: „Für mich ist die Würde des Menschen unantastbar“.

Schuchst wålj, hi wust, wat ik miinj än ik duurst ham ai ferteetele, dåt ik niinj hünebunke apsoomel. Än nuch wat jeeft et, wat me stiirt, häåw ik ham ferteeld, wan we unerwåis san, dan stönj ik ma di hün bai ark wååder büte än min wüf as masåmt e giiljpoose bane önj e loodene.

Süwat koon dan wörlük nårfen kooste.

Sainke Baker

Bjarnefråage

Jåå, wat wäät seede, wan en bjarn de fråaget, weer we besäk foon bütejarsche hädj hääwe, heer aw üüs wråål?

We wiise diling, dåt di näiste stäär fjouer jächtiir foon üs wach as. Dåt jächt låpt 300 000 kilometer önj en sekund än et måaget ai foole san, ham jü tål foon fjouer jächtiir önj kilometer fortustalen. Deertu kamt nuch di fråage, weer jüst am di stäär süwat as üusen planet flucht. Weer laawen mölik as. Deer hiirt foole luk tu, dåt deer laawen aw as!

Jü näist fråag as, hü gau koone we, än dan je uk oudere fliinj? Gauer as et jächt aw nån fål. Än uk wan dåt iinjsen gunge schölj, måast sü gau as't jächt tu räisen, brüke we duch oocht iir haane än tubääg. Deerbai låpt e tid dan for da, wat räise, sanier öif as for da, wat heer laawe. Önj da oocht iir san heer füfti fergängen, säit e relatiwitäät.

Wan deer niinj laawen as, as't nuch widere wach. Luft tu oomen än wat tu ääsen schal manümen wårde. Wat koon följik dåt bjarn seede? - Et as dum tjüch! Heer san niinj büterjardsche wään än we koone ai wid kaame, am hu tu besäken. Science fiction as wat for filmemåager, schal ouers niimen trug måage, bjarne ål goorai.

Sainke Baker

BÜCHER IM ANDERSEN-HÜS VERLAG

Detlef Paul

Studien zur Lindholmer Kirchenchronik

Herausgegeben von Albert Panten und Hinrich Paul



Serie Andersen-Hüs
Band 15

Detlef Paul Studien zur Lindholmer Kirchenchronik

Serie Andersen-Hüs
Band 15

Sönke Namanny

Zur Geschichte Risum-Lindholm in der Böckingharde


Teil (II) 1900 bis 2000

Serie Andersen-Hüs
Band 14

Sönke Namanny

Zur Geschichte Risum-Lindholms in der Böckingharde

– Teil II 1900 bis 2000 –



Serie Andersen-Haus
Band 14

Sönke Namanny

Lieselotte Ruhe

Ein Leuchtturm für Momme

En iiljtörn for Mume

Querseet foon Sönke Namanny



Andersen Haus

Zur Geschichte Risum-Lindholms in der Bökingharde

Risem än Lonhams Toorpshistorie

Teil I bis 1900

Serie Andersen-Haus

Band 13

Frasch Schungeböök

Tuhupestald foon
Thomas Heinsen

Frasche Liidere
Plattdüütsche Leder

Band 5
Serie Andersen-Haus

Sönke Nissen aus Klockries

Von
Sönke Namanny



Serie
Andersen-Haus
Band 4



Frasche Feri in for e Åstermååre Risem-Lonham foon 1911 e. V. Klockries 64, 25920 Risum-Lindholm

Beitrittserklärung

Hiermit trete(n) ich/ wir dem Frasche Feri in for e Åstermååre Risem-Lonham foon 1911 e.V. bei.

Mit dem Jahresbeitrag von z. Zt. 12,00 € für Einzelpersonen, 18,00 € für Ehepaare und 20,00 € für eine Familie bin/sind ich/wir einverstanden.

Jedes Mitglied ist zur Jahreshauptversammlung eingeladen und hat bei Volljährigkeit eine Stimme in der Mitgliederversammlung.

Durch die Mitgliedschaft im Frasche Feri in for e Åstermååre Risem-Lonham foon 1911 e.V. ist jedes volljährige Mitglied automatisch auch Mitglied im Nordfriesischen Verein e.V.

Das/die Mitglied/Mitglieder erhält/erhalten bis auf weiteres kostenlos pro Haushalt das Vereinsblatt „Di Mooringe Krädjer“.

Den Jahreskalender „Zwischen Eider und Wiedau“ bestelle ich hiermit für den Kostenbeitrag von zur Zeit € 2,00.

Beitritt als Einzelperson

Beitritt als Ehepaar

Beitritt als Familie

Name / Vorname : _____

Geburtsdatum / Beruf : _____

Ehepartner (Name/Vorname) : _____

Geburtsdatum / Beruf : _____

Namen der Kinder : _____

Geburtsdaten : _____

Anschrift : _____

Straße PLZ Ort Telefon

Datum

Unterschrift(en)

Einzugsermächtigung

Hiermit bevollmächtige(n) ich/wir den Frasche Feri in for e Åstermååre Risem-Lonham foon 1911 e.V. die jeweiligen Beiträge von meinem/unserem bei der _____ geführten Konto
IBAN: _____ BIC: _____

einzu ziehen.

Kontoinhaber ist : _____

Anschrift wie oben oder : _____

Datum

Unterschrift(en)



Bequem ist einfach.



nospa.de

Wenn das Konto zu
den Bedürfnissen von
heute passt.

 Nord-Ostsee
Sparkasse